

Թեստ 3

1-12-րդ առաջադրանքների ճիշտ պատասխանը կարող է ունենալ մեկ կամ մի քանի տարբերակ

1. Գաղտնավանկի ը-ն ճիշտ է տեղադրված

- 1) հայտ(ը)նվել
- 2) փրկ(ը)վել
- 3) ճ(ը)նշվել
- 4) խմբ(ը)ել

բառում:

2. Բոլոր բառերի բաց թողած տեղերում միևնույն տառը գրվող շարքն է(փակագծերում նշվածներից որևէ մեկը)

- 1) խոնար...վել, ընդ...ատել, հայթ...այթել (հ կամ -)
- 2) գ...տվել, դ...բախտ, բևեկնախե... (ժ կամ շ)
- 3) որ...անոց, ա...խազ, ար...իագօծ (բ կամ փ)
- 4) ս...ինքս, աս...ալտ, նա ... թամուղ (վ կամ ֆ)

3. Հատուկ անունների բոլոր բաղադրիչները մեծատառով գրվող շարքն է՝

- 1) ՆՅՈՒ ՅՈՐՔ, ՍԱՀԱԿ ՊԱՐԹԵՎ, ԿԱՐՄԻՐ ԾՈՎ
- 2) ԲԵԼԱՌՈՒՄԻ ՀԱՆՐԱՊԵՏՈՒԹՅՈՒՆ, ԱՇՈՏ ԵՐԿԱԹ, ՊԱՐՍԻՑ ԾՈՑ
- 3) ՄԵԾ ՄԱՍԻՍ, ՀԱԿՈՔ ՄԵՂԱՊԱՐՏ, ՏԻԳՐԱՆ ՄԵԾ
- 4) ԿԱՀԱՆ ՏԵՐՅԱՆ, ՓՈՔՐ ԱՍԻԱ, ԿՈՒՐԻՆՅԱՆ ԿՂԶԻՆԵՐ

4. Ղարձվածային իմաստ ունեցող բառակապակցությունների շարքն է՝

- 1) արջի ծառայություն, ոտքերն ընկնել
- 2) գիրք գրել, ճանապարհը ոտքով անցնել
- 3) դանդաղ մարել, պատերը ներկել
- 4) արագ պատրաստվել, կանխիկ վճարել

5. Ածանցավոր բառերի շարքն է՝

- 1) շաղկապ, կամացուկ, պահածո
- 2) պատմաբան, թերակղզի, կարոտախտ
- 3) փոքրիկ, մայրական, լողափ
- 4) գիրք, խճուղի, վայրենի

6. Համանունների բացատրության սխալ կա՝

- 1) հազար - բույս, հազար - թիվ
- 2) այր - քարանձավ, այր - տղամարդ
- 3) սուր - սրածայր, սուր - սրամիտ
- 4) գանձ - հարստություն, գանձ - հոգևոր երգ

7. Ան հոլովման ենթարկվող բառերի շարքն է՝

- 1) անկյուն, գարուն, ուսում
- 2) ամառ, շարժում, ծունկ
- 3) դուռ, լարում, ուրախություն
- 4) ձմեռ, որմնասյուն, ծուկ

8. Վերաբերական կա

- 1) Դուռը հանկարծ բացվեց:
- 2) Կարծես թե դարձել եմ ես տուն...
- 3) Արդյոք հիշե՞ց նա իր մորը սգավոր:
- 4) Ցղրտ քամին արդեն պուրակ է մտնում:

նախադասության մեջ:

9. Պարզ բայերի (առանց բայական ածանցի) շարքն է՝

- 1) գրել, բացվել, արձակել
- 2) ազատել, մատուցել, ցատկոտել
- 3) հարգել, ազատել, նվագել
- 4) երագել, հյուրասիրել, այրել

10. , ամեն ինչ ներկայացնում էր առասպելական ասացողի երևակայությամբ

նախադասությունը քերականորեն և տրամաբանորեն ճիշտ կստացվի

- 1) Որևէ բան պատմելիս
- 2) Չնայած որևէ բան էր պատմում
- 3) Երբ որևէ բան էր պատմում
- 4) Որևէ բան պատմելու ժամանակ

տարբերակը տեղադրելու դեպքում:

11. Համեմատություն պարունակող հատվածն է՝

- 1) Ժայռից մասուր է կաթում,
Կարմիր սարսուռ է կաթում...
- 2) Ամպը ամպի մահն է լալիս,
Հողն արցունքով թրջում:
- 3) Շոգը վիթխարի ուղտի նման
Չոքել է բակում իր շեկ շնչով...
- 4) Իմ սիրտը լեռներում է, այստեղ ծանր եմ շնչում,
Իմ սիրտը լեռներում է, ուր քարայծն է թռչում...

12. Կետադրական սխալ կա

- 1) Անշարժ, գեղեցիկ գլուխը ուսին թեթևակի ծռած, լռիկ ու ինքնամոխի՝ նա հիշեցնում էր հին դպրոցի մի նկար:
- 2) Թվում էր՝ մահաբեր մի խորշակ, ամեն ինչ ջնջող, ավերող մի չար ուժ ամայացրել էր եռուզեռով լի քաղաքը:
- 3) Հավաքված էին այդտեղ միաբանության գրեթե բոլոր անդամները՝ երիտասարդ ու ծեր:
- 4) Դիմավորողներից երկրորդը քաղաքի բերդապետն էր տարեց, ճաղատ և գիրուկ մի զորական:

նախադասության մեջ:

13-16-րդ առաջադրանքներում գրի՛ր պատասխանը

13. Նախադասությունները դասավորի՛ր տրամաբանական հաջորդականությամբ:

Գրի՛ր միայն նախադասությունների համարները:

1. Եվ ամերիկյան ընթերցողները զարմացան ու հիացան, որովհետև Սարոյանը մինչ այդ իրենց անծանոթ մի երակ էր բերում գրականության մեջ՝ հայկական ոգու երակը:
2. Հիրավի, արժանավոր մի շառավիղ է Վիլյամ Սարոյանը, որ, սակայն, ընկել է մի այլ միջավայր ու այլ մի դար:
3. Ամեն անգամ, երբ ես Սարոյան եմ կարդում, ինձ այնպես է թվում, թե նա արժանավոր շառավիղն է մեր անանուն ու անհայտ գուսանների, որոնք դարերի խորքում մեր հանձարեղ էպոսն են հյուսել:
4. Մտնելով ամերիկյան գրականության ասպարեզ՝ նա ժողովրդական ասացողների պարզ ու խոր խոսքով սկսեց իր միջավայրի ու դարի սքանչելի էպոսները հյուսել:

Պատասխան՝ _____

14. Գտի՛ր նախադասության մեջ թույլ տրված բառագործածության սխալը և ուղղի՛ր:

Իշխանության կարգադրությամբ այդ գործարարից բռնագրավեցին հարյուր հազար դրամ:

Պատասխան՝ սխալ է՝ _____
պետք է լինի՝ _____

15. Գտի՛ր նախադասության մեջ թույլ տրված քերականական սխալը և ուղղի՛ր:

Այդ սնապարծը այնպես էր հավատացած իր հետագա հաջողությունների մեջ, որ արդեն արհամարհանքով էր վերաբերվում ընկերներին:

Պատասխան՝ սխալ է՝ _____
պետք է լինի՝ _____

16. Տրված բառերը տեղադրի՛ր բաց թողնված տեղերում՝ ենթարկելով համապատասխան փոփոխությունների:

Երբ շունը դռանը ու կլանչեց, տղան, անկողնուց, պատուհանից տեսավ բլրի վրա հավաքված գայլերի

(տազնապել, ռոմակ, դիպչել, դուրս թռչել)

Պատասխան՝ 1.----- 2.-----
3.----- 4.-----

17-32-րդ առաջադրանքները կատարի՛ր ըստ տեքստի

Կարդա՛ տեքստը և կատարի՛ր առաջադրանքները:

I

1. Մեծաքանքար բանաստեղծ Ավետիք Իսահակյանը Հայաստանից ոտքը դուրս էր դնում թե՛ չէ, անմիջապես հայրենի բնօրրանի, նրա պաղպաջուն աղբյուրների, քնքշօրոր արտերի ու ցորնաբույր հացի կարոտն էր զգում:

2. Մի անգամ ժնև քաղաքում բանաստեղծը կարոտից սկսում է արտասվել: 3. Նրան թվում է՝ ուր որ է կարոտից կմեռնի: 4. Հանկարծ մտաբերում է այդտեղ ապրող ֆրանսախոս մի հայուհու, որը վաղուց մոռացել էր թե՛ հայերենը, թե՛ իր հայ լինելը: 5. Մի տուպրակ այլուր վերցրած՝ բանաստեղծն աճապարում է տիկնոջ մոտ՝ խնդրանքով, որ հաց թխի: 6. Կինը, որին զարմացնում է բանաստեղծի՝ տարօրինակ թվացող անըմբռնելի ցանկությունը, տեսնելով իրեն ուղղված թախանձող հայացքը, ընկրկում է, զիջում ու կատարում նրա կամքը: 7. Երախտագիտությամբ համբուրելով տիկնոջ ձեռքերը՝ բանաստեղծը վերցնում է հացն ու դուրս գալիս: 8. Տունդարձի ճանապարհին թվում էր՝ ինքն արդեն Հայաստանում է:

9. Հասնելով իր օթևանը, որ մի համեստ կացարան էր, բանաստեղծը մեծագույն հաճույքով ըմբռնում է հացը, ու նրա հոգին՝ կարոտից տառապյալ ու փոթորկված, դուրս-ինչ խաղաղվում է:

II

1. Իմանալով, թե մեծ բանաստեղծն ինչու է իրեն երկու ժամով հացթուխ դարձրել, կինն ալեկոծվում է, հուզվում և որոշում հայերեն սովորել:

2. Անցնում են տարիներ...

3. Մի օր Երևանի ամբոխաշատ փողոցներից մեկում բանաստեղծը, ի զարմանս իր, հանդիպում է այն կնոջը: 4. Ա՛յ քեզ հրաշք. կինը խոսում էր մաքուր, անբասիր հայերենով: 5. Տեսնելով մեծ վարպետի՝ իր վրա սևեռված հայացքը՝ կինը, կենսաթրթիռ ժպիտը դեմքին, փարվում է նրան ու ասում.

— Սիրելի՛ վարպետ, ինձ հայերեն սովորեցրեց այն հացը, որ ես թխեցի այնտեղ՝ ժնևում:

17-20-րդ առաջադրանքներում գրի՛ր պատասխանը

17. I հատվածից դու՛րս գրիր վայելում է (վայելել) բառի հոմանիշը:

Պատասխան՝ _____

18. I հատվածից դու՛րս գրիր մեկ հարակատար դերբայ:

Պատասխան՝ _____

19. I հատվածի 9-րդ նախադասությունից դու՛րս գրիր բաղադրյալ ստորոգյալը:

Պատասխան՝ _____

20. I հատվածից դու՛րս գրիր գերադրական աստիճանով դրված ածականը:

Պատասխան՝ _____

21-25-րդ առաջադրանքների ճիշտ պատասխանը կարող է ունենալ մեկ կամ մի քանի տարբերակ

21. I հատվածի 6-րդ նախադասությունը բաղկացած է

- | | |
|------|------|
| 1) 2 | 3) 4 |
| 2) 3 | 4) 5 |

պարզ նախադասությունից:

22. I հատվածում ենթադրական եղանակի բայ պարունակող նախադասություն է՝

- | | |
|-----------|-----------|
| 1) 1 -ը | 3) 3 -րդը |
| 2) 2 -րդը | 4) 4 -րդը |

23. I հատվածում միջադաս դերբայական դարձվածով նախադասություն է՝

- | | |
|----------|----------|
| 1) 4-րդը | 3) 6-րդը |
| 2) 5-րդը | 4) 8-րդը |

24. II. 6 -րդ նախադասության մեջ որպես՝ անորոշ դերբայ գործածված բայն է՝

- | | |
|-----------|------------|
| 1) փարվել | 3) սևեռվել |
| 2) տեսնել | 4) ասել |

25. Շաղկապի գեղջում կա

- | | |
|-------------|--------------|
| 1) I. 4-րդ | 3) I. 8-րդ |
| 2) I. 6 -րդ | 4) II. 5 -րդ |

նախադասության մեջ:

26-29-րդ առաջադրանքներում գրի՛ր պատասխանը

26. II հատվածից դու՛րս գրիր կոչականը լրացման հետ:

Պատասխան՝ _____

27. II հատվածի 5-րդ նախադասությունից դու՛րս գրիր բոլոր դերանունները:

Պատասխան՝ _____

28. II հատվածից դու՛րս գրիր բացառական հոլովով դրված գոյականը:

Պատասխան՝ _____

29. I հատվածի 4-րդ նախադասությունից դու՛րս գրիր ժամանակի մակբայը:

Պատասխան՝ _____

30-32-րդ առաջադրանքների ճիշտ պատասխանը կարող է ունենալ մեկ կամ մի քանի տարբերակ

30. Տեքստից չբխող կամ նրա բովանդակությանը հակասող միտքն է՝

- 1) Բանաստեղծ Ավետիք Իսահակյանը Հայաստանից ոտքը դուրս էր դնում թե չէ, հայրենիքի կարոտն էր զգում:
- 2) Մի անգամ ժնկում այնքան է վատանում, որ թվում է, թե չի դիմանալու:
- 3) Մի տոպրակ այլուր վերցրած ֆրանսախոս մի հայ կնոջ մոտ է գնում, թախանձող հայացքով խնդրում, որ իր համար հաց թխի, ու կինը, տեսնելով դիմացինի վիճակը, կատարում է նրա կամքը:
- 4) Կնոջ փոթորկված հոգին ինչ-որ չափով խաղաղվում է, սակայն նա հայերեն սովորելու ցանկություն չի ցուցաբերում:

31. Մի անգամ ժնկ քաղաքում բանաստեղծը կարոտից սկսում է արտասվել

նախադասության անդամներից որի՞ ձևաբանական վերլուծության մեջ սխալ կա:

- 1) բանաստեղծը - գոյական, որոշյալ առում
- 2) ժնկ - հատուկ գոյական, անորոշ առում
- 3) քաղաքում - գոյական, ներգոյական հոլով
- 4) սկսում է - բայ, սահմանական եղանակ, վաղակատար ներկա

32. Մի օր Երևանի ամբոխաշատ փողոցներից մեկում բանաստեղծը, ի զարմանս իր, հանդիպում է այն կնոջը:

նախադասության մեջ ընդգծված բառի կատարած պաշտոնն է՝

- 1) ենթակա
- 2) ուղիղ խնդիր
- 3) ներգործող խնդիր
- 4) հանգման խնդիր